

Guangjsih Minzczu Bau

ganbbau: CN45-0036 B.2016 Nd.5 Ng.4 liggaueq bingisaen nienz ndwensam ngeihbei

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3222期

Guengjsae Gyagiengz Sonhag Cuengh Gun Song Saw Vah Gungganq Saujsu Minzczu Vunzcaiz

广西加强壮汉双语教学培养少数民族人才

Guengjsae mboengqneix okdaiz “Cuengh Gun song saw vah gyaueq hwnghat gveihva (2016-2020 nienz)”, daezok yaek hwnghat 10 aen Cuengh Gun song saw vah sonhag sifan gihdi, dajcaux 6 aen Cuengh Gun song saw vah gyaueq lienzenq “dieg samgak”, guhbaenz Cuengh Gun song saw vah gyaueq dihi, caenh’ itbough gungganq saujsu minzczu vunzcaiz “Cuengh Gun cungjrox”.

Bi 2015, Guengjsae gungh miz 35 aen yienh (si, gih) hengzguh Cuengh Gun song saw vah gyaueq sonhag, miz Cuengh Gun song saw vah hagdangz 158

aen, hagseng youqhag 9 fanh lai boux. Hoeng bi 2010 seiz, Guengjsae ngamq miz 69 aen Cuengh Gun song saw vah hagdangz, hagseng youqhag 2 fanh lai boux.

“Youq cungh siuj hagdangz dieg lajmbanj Bouxcuengh yungh Vahcuengh guhcauj guh doxyau haenx haiguh Cuengh Gun song saw vah sonhag, doiq hagseng Bouxcuengh gangj Vahcuengh haenx daezsang hagsib cingzcik miz leih, gij sonhag cizlieng Cuengh Gun song saw vah hagdangz cungj sang gvaq itbuen doengzloih hagdangz.” Guengjsae Bouxcuengh

Swcigih Gyaueqdingh gvendaengz bouxhucwz naeuz.

Gveihva moq iugouz, Guengjsae yienh (si, gih) Bouxcuengh youqcomz cingzdoh haemq sang haenx, yenzcwz au youq 1 daengz 2 aen yanghcin caemhcaiq yien minzczu cunghyoz haiguh Cuengh Gun song saw vah sonhag; ciemqgonq haeuicoengh Cuengh Gun song saw vah hagdangz byauhcuinjva hwnghat, haifat Cuengh Gun song saw vah sonhag swhyenz, hwnghat swhyenzgu, saedyienh swhyenz caezyungh, daezsang song saw vah sonhag yendaiva suiyingz daengj.

(Sinhvazse Cangh Yingh)

Lozcwngz: “Haj It” Mbanjgaeuq Mulaujcu Vunzcaiz Haidou Angqcoux Hek



罗城:侗族古村 “五一”开村迎客

5 nyied 1 hauh, Lozcwngz Mulaujcu Swciyen Mbanjsizveiz gaeuq banh lijyouz sawqnieb gingdenj hozdung, gyonh laz hap-rwenz, foux lungz foux saecij, cezmu hingsik lai cungj lai yienh, neiyungz fungfouq, yinx ndaej haujlai rog gih ndaw gih hekyouz daeuj yawjgonz youzset, yienhciegz vunz lai vunz daih, nauhyied raixcaix. Ndaw doz dwg biujyienj cezmu hawj hekyouz yawj.

(Mungz Cwnghsw/蒙增师)

Lungzswng Lungzciz Nazmbaeklae Bauq “Cienz Seiqgyaiq Vwnzva Nungzyez Youqgaenj Yizcanj”

龙胜龙脊梯田申报“全球重要农业文化遗产”

Mboengqneix, Lungzswng Gak Cuz Swciyen yencangj Vuz Yungjhoz daiqdoih, daiqbiuj Guengjsae Lungzciz nazmbaeklae nungzyez hidungj bae daengz Baekging camgya aen hoih bauq naeuz “cienz seiqgyaiq vwnzva nungzyez youqgaenj yizcanj” youz nungzyezbu banh haenx.

Gwnz hoih, aen yienh neix yencangj Vuz Yungjhoz daiq lizsij, swnghdai, yinzvwnz, minzsuz daengj fuengmienh doiq Lungzciz nazmbaeklae guh le cienzmiengh gaisau, yienq lauxhangz, daiqbiuj camgya hai hoih

haenx baijyienj le gij lizsij gyaenanz Lungzciz nazmbaeklae nungzyez hidungj, swhyenz swnghdai vanzging ndei caeuq minzczu vwnzva daegsaek naekna.

Gij gezgoj baez bauq naeuz neix dwg gij cujyau gaengawq yaek genj ndei yienq Lenzhozgoz Liengnungz Cujciz bauq “cienz seiqgyaiq vwnzva nungzyez youqgaenj yizcanj”. Ciuq cam rox, cienz seiqgyaiq vwnzva nungzyez youqgaenj yizcanj dwg Lenzhozgoz Liengnungz Cujciz youq laj Ngaenzgoek Vanzging Cienz Seiqgyaiq

haeuicoengh, lienzhab mizgven gozci cujci caeuq guekgya, dwg aen daihgingz hanghmoeg ndeu youq bi 2002 fathwnj, muzdiz dwg cauxlaeb cienz seiqgyaiq vwnzva nungzyez youqgaenj yizcanj nem gij gingjvanh mizgven haenx, swnghvuz dohyangsing, cihsiz caeuq vwnzva baujhoh dihi, caemhcaiq youq cienz seiqgyaiq gvaengxlaengx ndaej daengz nyinhhawj caeuq baujhoh, hawj de baenz gij giekdaj ndaej laebdaeb guenjleix.

(Liengz Gizbinh/梁吉斌)

SIUSIK DINJ

简 讯

● 4 nyied 27 hauh, Ningzmingz Yen Cungjgunghvei haiguh angqcoux “haj it” diyzuz doxdax hozdung, daengx yienh 20 lai aen daiyaujdui gungh 400 lai boux cizgungh daiyauj camgya le miz yinx diyzuz doxdax. Doxdax hozdung cungfaen baijyienj le gij yienghsiengq seizdaih guengjdaih cizgungh gaenxmaenx doxhwnj, haivat cauxmoq, dajcaux le heiqfaenh ngoenzciat naekna, comzrom le hwnghat naengzliengh ndei.

(Cauh Yizganh Lij Ginh)

● 4 nyied 26 hauh, Cungzcoj Si Byaraiz vwnzva baugauvei nem Byaraiz sinhyiz cihsiz beizyinvei youq aen si neix yinzminz veidanz banh. Hozdung muzdiz dwg cienzdox Byaraiz sinhyiz cihsiz, caenh’ itbough daezsang yizcanjgih caemhcaiq daengx si guengjdaih ganbu vunz lai roxyiuj seiqgyaiq vwnzva yizcanj caeuq Cojgyangh Byaraiz vehbangxdat vwnzva gingjvanh, gya’ gvangq gij ndawbiengz yingyangliz Byaraiz sinhyiz.

(Lungz Yenyinh)

● Mboengqneix, Nazboh Yen Swhfazgiz Bwzswngj Swhfazsoj yungh aen seiz ndei “ndwen senhconz minzczu doxgiet” haiguh fazci senhconz hozdung, vih caenh’ itbough baujmaenh gij gvanhaeh minzczu seveicujyi bingzdwngj, doxgiet, doxbang, huzndei caux ok yizlun heiqfaenh ndei.

(Yi Yezvaz Lungz Yici)

● Gaenh geij bi neix daeuj, Dunghlanz Yen gaengawq “bangcoengh coi lijyouz, lijyouz daiq bangcoengh” hwnghat lohnaemj, haenqrengz hengzguh mbanj gungzhoj lijyouz hanghmoeg hwnghat, au vwnzva lajmbanj, saedceij lajmbanj caeuq gingjsaek lajmbanj guh goekdaj dajcaux miz yawjgonz youzset, du’ gya, youhhenz daengj lijyouz hanghmoeg.

(Veiz Swng’ yang Lij Haucinz)